



STRUČNA SLUŽBA OV- Ilijaš

PREDMET: Vijećnička pitanja i inicijative- dostavlja se -

Na 41. sjednici OV Ilijaš održanoj 22. 04. 2020. godine postavljena su slijedeća vijećnička pitanja i inicijative:

SEMIR DEDIĆ – vijećnik SDA

Inicijativa:

Pokrećem inicijativu da se u ovoj godini podijeli 40 (četrdeset) plastenika domaćinstvima.

Obrazloženje: U prošloj godini Općina Ilijaš zajedno sa općinskim načelnikom podijelila 20 plastenika domaćinstvima. Obzirom na situaciju u kojoj se nalazimo uzrokovanu korona virusom, predlažem da se ovaj broj poveća na 40 za ovu godinu. Ovu inicijativu pokrećem na osnovu razgovora sa uposlenima dvije poljoprivredne apoteke (Garden centra) iz kojih sam saznao da je potražnja za usjevima ove godine enormno velika, što je i razumljivo uzimajući u obzir ekonomsku situaciju, umanjenje plata (primanja), otkazi itd.

Na ovaj način ćemo direktno pomoći domaćinstva čija je egzistencija ugrožena.

Odgovor: Podržavamo Vašu inicijativu. Projekat nabavke 20 plastenika je planiran u 2020 godini i njegova realizacija je obuhvaćena kroz Odluku o novčanim podrškama, a njegova konačna realizacija će zavisi od spremnosti nevladine organizacije da sufinansira projekat. Općina Ilijaš je u 2018 i 2019. godini sa nevladinom organizacijom Muslim aid Sarajevo realizovala projekte nabavke plastenika po modelu sufinansiranja kroz obezbjeđenje nepovratnih sredstava. Kroz ova dva projekta izvršena je nabavka 40 plastenika a finansiranje se vršilo na način da su nevladina organizacija i općina Ilijaš sufinansirale nabavku sa po 40 %, a korisnik projekta 20 %. Projekti su se realizovali u skladu sa namjenom i kriterijima nevladine organizacije uz uvažavanje socijalnog karaktera korisnika.

Napomena: Isti projekti na isti način su realizovani i 2015 i 2016. godine. Tako da je na području općine sa nevladinom organizacijom Muslim aid podijeljeno ukupno 80 plastenika površine od po 100 m².

SEMIR DIZDAREVIĆ – samostalni vijećnik

Inicijativa:

Pokrećem inicijativu da Općina Ilijaš u okviru budžeta za 2020. godinu odmah pomogne svim registrovanim pravnim subjektima i obrtnicima na području općine Ilijaš, a u cilju sprečavanja propadanja i gašenja malih preduzeća i obrtnika uzrokovano krizom zbog

corona virusa COVID – 19. U Budžetu ima planirana stavka pod ekonomskim kodom 614500 u iznosu od 347.000 KM.

TI-4e	614500	Subvencije privatnim preduzećima i poduzetnicima	316000	347000
-------	--------	--	--------	--------

Predlažem da Općina svakom od privrednih subjekata i obrtnika odmah uplati jednokratnu pomoć u iznosu od po 700 KM za mjesec MART i APRIL .

Za prvu tranšu koristiti novac sa ekonomskog koda 614500 , a u slučaju potrebnih dodatnih sredstava, koristiti sredstva budžetske rezerve (ekonomski kod 999999 u iznosu od 50.000 KM).

Odgovor:

Odgovor na ovu inicijativu je usmeno dao Općinski načelnik na samoj sjednici.

Služba za privredu i finansije